

類證治裁
卷一

印刷品

福建中医学院图书馆

地址：福州市模坑

光緒十年重刊

類證治裁

研經堂藏板

類證治裁序

醫之為道必其人有中和
仁智之德而又洞乎陰陽
之理性命之源寒暑異宜
南北異稟之故沉潛焉以
察其微反覆焉以窮其變

而後能消疵癘益虛孱以
平造物之憾此治病之道
昔人所以謂通於治國與
丹陽林君雲和與余同舉
戊辰鄉試訂交於京師既
而別去不相問者三十餘

載丁未冬君之子芝本攜
君所輯方書曰類證治裁
者乞序於余始知君之亡
亦且八載矣君直外方內
治學有根柢已已禮闈報
罷退而學醫活人甚多術

既益精而病世之業醫者
空疎不學或又拘於成法
以蹈偏駁失中之弊於是
彙輯古方別裁至當蘄與
人共明之嗚乎其用心
若此可不謂中和之智之

君子乎余固曹於醫於養
身濟世之術未之有得春
官十上幸獲通籍而衰態
遽侵今茲待罪吳趨當時
同榜中如顧畊石諸君均
先朝露無可與語回首今

昔益信窮達一致勞之於
仕宦而以隳其所業曾不
若君之窮居著述猶得就
一藝以自名此則序君書
而不能無慨於中也至於
是書之蘊足以挾陰陽而

託性命後之讀者當自得
之且已詳於君所自為序
故不贅述云

道光歲次丁未十月知江
蘓蘇州府事年愚弟桂超
萬拜謨

唐
四
方
陽
木
卿
名
終
心
家
弟



類證治裁序

先祖大銀臺涇公於乾隆

間奉命提閱四庫全書獲

見神農以來醫家言著錄於

文淵閣者九十六部一千八百

十有三卷附存其目者九十四

丹陽校經堂藏

部六百八十一卷嘗語類曰舊
史醫家多置之簡末今四庫
全書子部今十四家儒家第
一兵家第二法家第三農家
第四醫家第五醫雜一技民
命攸關其特升諸他藝術上

有以也渭厓公博涉於陰陽
術數六壬耶律之書手錄甚
夥獨醫類無手定家傳唯
先大夫澹松公批訂葉氏
臨證指南手澤猶新頌類卒未能
讀也林義祠先生嘉慶戊辰

舉鄉魁墨藝膾炙人口尤精岐
黃家言貫串於靈樞素問雖
經諸書以意為變化而不泥
於古著作之暇以濟時為心
士大夫皆禮敬之余久耳其
名丙戌余服闋入都謁部先

生公車北上相晤於都門獲
聞緒論盛德君子一望皆知
辛亥春嗣君筠石茂才將刊
先生所著類謬治裁書不以
序囑余書凡八卷外科附焉
別類分門前列論方次之案

又次之殆與沈氏尊生書體
例畧相近然詳畧輕重之際
妙於翦裁開卷了然言弥藹
而法弥備使夫款悌之士既
得所範圍中材而下亦得循
塗以赴學者固當分別以觀

矣昔人論雅經本義謂滑壽
以文士而精於醫術其所著較
諸家所得為多予於先生心
云均石嗣其先業授受亦恒
無不三致叩其所學蓋得於
是書成法為多願不肖私為